

## Universitätsbibliothek Paderborn

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Caput IV. De obligatione audiendi Missam.

**urn:nbn:de:hbz:466:1-40834**

*populus spiritualiter communicet. Hęc autem Communio spiritualis sit dum Fideles ad recipiendum in se Christum disponuntur ex ferventi quod concipiunt desiderio illi se intimè uniendi , & ejus se voluntati in omnibus conformandi.*

## CAPUT IV.

*De Obligatione audiendi Missam.*

Quæst. 1. **E**S T-NE peccatum mortale non audire Missam diebus Dominicis & festis?

Resp. Quicumque ex negligentia mera omittit audire Missam diebus Dominicis & festis , cùm possit , peccat mortaliter : facit enim contra præceptum Ecclesiæ. Ita Divus Antoninus 2. p. tit. 9. §. 1. cap. 10.

Quæst. 2. Ad satisfaciendum præcepto audiendi Missam , tenemur ne distinctè audire quod dicit Sacerdos ?

” Resp. Ex eodem Sancto loco citato : Non est necesse sensim & distinctè audire verba Missæ : nam tunc sequeretur hoc inconveniens , quod qui audiret Missam ab his qui submissè dicunt , cùm multitudo adeat , qui remoti sunt , non implerent præceptum : similiter & qui surdi essent , vel hebetem auditum habarent ; intentio ergo Ecclesiæ in illo Decreto est , quod præsens sit in Missa & vacet Deo ; si etiam intelligens est , dignum & justum est , ut intendat & conetur intelligere quæ dicuntur populo in Missa.

Quæst. 3. Qui omittit audire aliquam Missæ partem , v. g. introitum , satisfacit-ne Ecclesiæ præcepto ?

*De Sacrificio Missæ. Cap. IV. 243*

Resp. Licet ex Ecclesiæ præcepto teneantur Fideles integrum Missam audire, S. Antoninus nihilominus respondet: *De eo qui dimittit aliquam partem Missæ, putà introitum, videtur quòd non satisfaciat, quia Can. Missas.* De Consecratione dist. 1. dicitur: Missas die Dominico sacerularibus totas audire speciali ordine præcipimus; ita ut ante benedictionem Sacerdotis egredi populus non præsumat; Respondeo quòd modicum pro nihilo reputatur, nec verba legis ita amarè interpretanda sunt; ideo dicendum est, quòd talis judicandus est servator præcepti; sed si dimitteret notabilem partem, putà medianam, vel tertiam partem, secùs.

*Quæst. 4. Quinam excusantur à præcepto audiendi Missam?*

Resp. Ut afferit Divus Antoninus: *Excusantur à præcepto audiendi Missam, infirmi* <sup>cc 2. p. tit.</sup> *qui non possunt domo exire, & servitores infirmorum qui non possunt dimittere infirmos* <sup>cc 9. cap. 10.</sup> *propter periculum, & Matres quæ non possunt* <sup>cc</sup> *dimittere parvulos sine periculo; & alii qui* <sup>cc</sup> *impedimenta legitima habent, vel ardua negotia, quæ non possunt dimittere sine magno* <sup>cc</sup> *detrimento, scandalo, vel periculo. Et illi qui* <sup>cc</sup> *justo impedimento, audire non possunt Missam, debent saltem pro aliquo spatio in domo* <sup>cc</sup> *vacare orationi, loco Missæ ex congruitate.* <sup>cc</sup>

*Quæst. 5. Sufficit-ne ad satisfaciendum præcepto audiendi Missam, adesse dum celebratur?*

Resp. Non sufficit, sed insuper requiritur attentio, & circa Deum occupatio; ut enim ait S. Cyprianus relatus in Canone: *Quando autem stamus ad orationem, Fratres dilectissimi, vigilare & incumbere ad preces ioto card: debemus; cogitatio omnis carnalis &* <sup>Can. Quando autem. De Consecr. dist. 1.</sup>

L iiij

## 246 TRACTATUS V.

secularis abscedat, nec quidquam tunc animus, quam id solum cogitet quod precatur: ideo & Sacerdos ante orationem, prefatione pramissa, parat fratrum mentes, dicendo, Sursum corda, ut dum respondet plebs, Habeamus ad Dominum, admoneatur, nihil se aliud quam Dominum cogitare debere: claudatur contra adversarium pectus, & soli Deo pateat, nec ad se hostem Dei tempore orationis venire patiatur.

Et Concilium Tridentinum praecipit Episcopis; *Vt non patientur Missas peragi, Nisi sicc. 22. De prius qui intersint decenter composito corporis sacrifici, Missæ.* declaraverint se mente etiam ac devoto cordis affectu, non solum corpore adesse.

Ques. 6. Tenentur ne Fideles audire Missam Parochialem diebus Dominicis & festi-  
vis?

Resp. Cum Missa Parochialis instituta sit, ad gratias agendum Deo pro omnibus Beneficiis per hebdomadam acceptis, curare debent omnes Fideles, ut illi intersint, nisi legime excusentur, ut audiant vocem & instruc-  
tiones salutares Pastorum suorum; & hoc ex-  
pressè praecipitur in Canone, ubi sic legitur:

*Cap. VI Do.,, Vt Dominicis vel Festi-  
vis. De minicis. De Parochiis.* antequam Missam celebrent, plebem interro-  
gent; si alterius Parochianus in Ecclesia sit,  
qui, proprio contempto Presbytero, velit  
Missam audire: quem si invenerint, statim ab  
Ecclesia ejicient.

Sicc. 22. De Sacrif. Missæ. Et ut ait Concilium Tridentinum: Parochi moneant etiam eundem populum, ut frequen-  
ter ad suas Parochias, saltē diebus Domini-  
nicis & majorib[us] festis, accedant. Et ita  
sicc. 22. de Refor. cap. 4. ait: Moneatque  
Episcopus populum diligenter, teneri unum-

*De Sacrificio Missæ. Cap. IV. 247  
quemque Parochia sua interesse, ubi commode  
id fieri potest, ad audiendum verbum Dei.*

Idcirco sanctus Carolus, fidelis & prudens  
ejusdem Concilii observator: Missam audiant s. Carol. Ac-  
Fideles, inquit, Festis diebus, idque in Paro- tor. p. 3. tit.  
chiali propria, munusque sit Reverendissimi Suum etiam  
Archiepiscopi operam dare, Romani etiam munus di ien.  
Pontificis implorata, si opus sit, auctoritate, roghi.  
ut impedimenta amoveantur, si quæ obstent  
Decreto huic saluberrimo de Missa audienda  
in propria Parochiali Feste die.

Summus quoque Pontifex Sextus IV. in  
constitutione relata in Canone, sic habet:

*Quodque Fratres non prædicens, populos Pa- Sixtus IV. in  
rochianos non teneri audire Missam in eorum cap. Vies il-  
Parochiis diebus Festis & Dominicis: cùm lius. De Treu-  
jure cautum sit illis diebus Parochianos teneri ga & pace in  
audire Missam in eorum Parochiali Ecclesia, munibus,  
nisi forsan ex honesta causa ab ipsa Ecclesia  
se absentarent.*

Quest. 7. Ecclesia præcepit-ne semper Fi-  
delibus, ut suas Parochias frequentarent?

Resp. Parochia nomen notum est à primis  
sæculis Ecclesiæ & ipsi ferè coævum; verum  
tamen est quod antiquius hoc Parochia verbo  
aliquando significabatur Diœcesis tota, ut vi-  
dere est in Canone Apostolis tributo, in quo  
sic habetur: *si quis Presbyter aut Diaconus, Can. 14. A.  
aut quicumque tandem de Clericorum consor-* post.  
*tio, relicta Parochiâ sua, in aliam concesse-  
rit, & omnino transmigratione factâ, præter  
voluntatem sui Episcopi, in alia Parochia mo-  
ram traxerit: hunc iubemus, ne porro in  
Ministerio publico sit Ecclesia.* Id etiam con-  
stat ex Can. Lugdunensis. Aliquando Parochiæ Can. Lugda-  
verbum aliquam tantum Diœcesis partem de- niss. 9. q. 2.  
signabit, ut nunc etiam intelligitur. In his  
temporibus, in quibus pauci erant Christiani,

## 248 TRACTATUS V.

& in quibus persecutio[n]es quasi continuæ vix dabant modum omnia sigillatim ordinandi: s[ecundu]m una tantum Parochia constituta erat pro regione satis ampla, & ita fervens erat zelus Fidelium, ut facile superarent omnia itineris incommoda ut Parochiam adirent diebus Dominicis & Festivis, & in Synaxibus & conventibus sacris cultui Divino vacarent. Postmodum decretum est, ut in vicis & castellis à civitate Episcopali remotioribus Ecclesiæ construerentur & à Sacerdotibus deserviri possent, qui velut locum tenentes Episcopi haberentur, & portionis Fidelium sibi commissæ specialem curam gererent. Procedente tempore, cùm Christianorum numerus valde augeretur, in civitatibus amplioribus, plures Ecclesiæ Parochiales & in iis Parochi, seu Rectores & Curati fuerunt constituti. Juxta Anastasium, qui Bibliothecarius vulgo vocatur, sanctus Evaristus Papa Romam in varias Parochias divisit anno centesimo-duodecimo; & ne Fideles privatis Parochis commissi, procedente tempore ab authoritate Episcopi segregati viderentur, neve unio aliquo modo hac occasione minueretur: quoties summus Pontifex celebrabat, ad eas Ecclesiæ partem Panis in Sacrificio oblati post consecrationem ad Parochos mittebat, ut per illorum manus Fideles Parochiales communicari possent; aut saltem, juxta sensum quem plures authores voci *Fermentum* dederunt, panem benedictum Curatis mittebat ut fidelibus distribueretur: ut videre est in Epistola Innocentii primi, in qua sic habetur: *Cum omnes Ecclesia nostra intra Civitatem sint constituta, quarum Presbyteri, qua die ipsa, propter plebem sibi creditam nobiscum convenire non possunt, idcirco fermentum à nobis confectum per Acolythos accipiunt,*

Innocent. I.  
Epist. 1. ad  
Decentium  
Episcopum  
Eugubinum.

De Sacrificio Missæ. Cap. IV. 249

ut se à nostra Communione , maxime illa die  
Dominica non judicent separatos. Dionysius  
postea Pontifex majori etiam cum cura Paro-  
chias plures divisit : Ecclesiæ singulas , inquit ,  
singulis Presbyteris dedimus , Parochias &  
cæmeteria eis divisimus , & unicuique jus  
proprium habere statuimus ; ita videlicet , ut  
nullus alterius Parochia terminos aut jus in-  
vadat : sit unusquisque terminis suis conten-  
tus , & taliter Ecclesiam & plebem sibi com-  
missam custodiat , ut ante Tribunal aeternum  
judicis ex omnibus sibi commissis rationem  
reddat.

Et ideo Episcopi satagebant , ut Fideles affi-  
duè propriæ Parochiæ interessent , nec alibi  
Missas audirent ; unde sanctus Augustinus re-  
latus in Canone : Et hoc attendendum , inquit , Can. Et hoc.  
ut Missæ peculiares , qua per dies solemnnes à Deo Consecr.,  
Sacerdotibus sunt , non ita in publico stant  
ut propter eas populus à publicis Missarum so-  
lemnibus [qua horâ tertia Canonice sunt ]  
abstrahatur : sed Sacerdotes qui in circuitu  
Vrbis , aut in eadem urbe sunt , & populus  
in unum ad Missarum publicam celebratio-  
nem convenient.

Eadem de causâ statutum reperitur in Con-  
cilio Naonensi relato in Canone , quod Nul-  
lus Presbyter , aut Diaconus , alterius pleba-  
num , nisi in itinere fuerit , vel placitum , id  
est litem , habuerit , ad Missam recipere au-  
deat. Et ita constat , Ecclesiam semper desi-  
derasse , ut Fideles in propria Parochia Mis-  
sam audirent , in qua etiam Sacraenta Bap-  
tismi & reliqua suscipere maximè convenit ;  
præsertim quia Parochia propria à Deo & ab  
Ecclesia unicuique Fidelium primitùs assigna-  
tur , in his qua sunt ad Deum : Reliquæ vero  
sunt tantum in subsidium & secundario consti-  
tuæ.

L. v